

126

ODBOR ZA ZAŠTITU LJUDSKIH PRAVA I SLOBODA NOVI PAZAR, SANDŽAK

ADRESA: OSMANA ĐIKIĆA BR. 2 - 36300 NOVI PAZAR, SANDŽAK - TEL./FAX 0038 20 29 312

2.03

1993. god.



IZJAVA

Ime i prezime RAMIZ TOTIĆ datum rođenja 3.05.1957.
 Mjesto Ursule br. lk. i mjesto izdavanja 57396 SUP Sjenica
 Datum događaja 29.08.1993. mjesto događaja Ursule - Kladnica u koliko sati 9³⁰ do 12⁰⁰
 Imena svjedoka mještani sela Ursule i Kladnica
 Ko je povredio vaša prava pripadnici MUP-a Srbije

CPIS DOGAĐAJA

Nas oko 100 mještana iz mjesne zajednice Kladnica radili smo kod jednog Čačanina na njivi, vadili krompir. Došlo je do prepirke između Seada Halilovića iz Ursula i jednog Srbina zbog vode. Sead je, naime donio kanister vode za piće i prvo ga ponudio jednom Muslimanu, mom bratu Jusufu. To je ostalo krivo drugome radniku Srbinu po nacionalnosti - Milikiću. Opsovao je Seadu turskoga boga na što mu je ovaj uzvratilo psovanjem Isusa i krsne čivije i na tome se sve završilo. No, pošto ovaj Milikić ima sina milicionera milicija je odmah bila upoznata sa slučajem.

Negdje oko 9 i 30 došla su 3 milicionera. Jedan od njih je pucao u vis kako bi nas zaplašio dok su druga dvojica počeli udarati mog brata Jusufa koji im se opirao i zajedno sa Šućrom Muhovićem uspio pobjeći. Na mjesto događaja je nakon izvjesnog vremena došlo još 5 policijskih kola sa još 20-ak milicionera. Svi su bili naoružani automatskim puškama. Pokupili su nas u gomilu i onda počeli udarati rukama, nogama, palicama i puškama. Nisu birali dali udaraju žene ili djecu, tukli su sve od reda. U znak upozorenja ispalili su i nekoliko rafala tik iznad naših glava. Nakon toga pošli su u potragu za Šućrom i Jusufom. Mene i brata mi Nura su priveli u sjenicki SUP. Moju, Jusufovu i Šućrovu kuću su istoga dana blokirali i izvršili pretres u njima. Na mojoj kući su odvalili dvoje vrata i onda izvršili pretres u njoj.

U Stanici milicije u Sjenici su me te noći tri puta izvodili i bili pesnicama dobacujući mi "poštovaćete vi zakon Srbije ...". Ujutro su me pustili kući. Obratio sam se doktoru u Bolnici i za potrebe Suda uzeo ljekarsko uvjerenje.